

# Сентябрь сард үзүлгдх фильмс

«Олеко Дундич» гидг художественн кинофильм. Авторнь Л. Луков, А. Исакович болн М. Кац. Тавснь — А. Лукова. Гражданск даанд орлцад ик диилвр бәрси герой Олеко Дундичин тускар эн фильмд келгдджәнә.

1958 джил М. Горькийин нертә киностудь (СССР) болн «Авал — фильм» (Югослав) хамдан гаргъв.

«Отрава вдова» гидг художественн кинофильм. Авторнь; А. Белашвили, М. Чиатурели. Режиссернь М. Чиатурели. Эн фильм грузинск литературин туурси классик И. Чавчавадзен бичси, әдл нертә повестәр тәвгдсми.

«Стучись в любую дверь» — гидг художественн кинофильм, милиционермүд эврәннь шунмгъа болн даалгъврта көдлмштән бичкдүдт, ягъдж оньгаи өгч, ухарлг кевәр хардгин тускар келджәнә. Авторнь В. Спирина. Режиссернь М. Федоров. 1958 джил М. Горькийин нертә киностудь гаргъв.

«Очередной рейс» гидг художественн кинофильм 1958 джил Свердловск киностудийд гарв. Авторнь Борис Басильев. Режиссернь Р. Гольдин.

Ут хаалгъд автотранспорт йовулдг улст күчр болна. Иим көдлмшиг зугл ик урмдта болн шунлтта улс күцәдж чадна. Зәрмдән күн чикршиго модьрун болдж медгднә, болв шиндждәд хәләхлә — эн күүнд сән чигн бәәнә.

Олн-әмтнүр әрвч болн некртә, йосн ик дурн, күүг тоолврта болн эәлтә кенә.

«Армен фильм» киностудь «Кому улыбаются жизнь» гидг художественн фильм гаргъв. Сценаринь бичснь М. Чамянян. Тавснь Л. Исаакян.

Институт чиләдж гарчкад, джиргълин хаалгъан шүүдж авси, хойр зүси заньгта — гардгч көдлмшт орхар зүткдг Карлен болн көдлмшт дурта, цуг шахтерск коллективд күндтә бәәдг Левон хойрин тускар фильм келджәнә.

«Рыбак Арала» гидг художественн фильм Ташкентск киностудь үзүлджәнә. Сценаринь бичснь Н. Жапаков, М. Мелкунов. Режиссернь Ю. Агзамов.

Зөрмг подпольщик Бутакова, Есемурат Оглын тууджда залгълдата, туурси нертә революционер Семен Алексеевин тускиг, әрүн кевәр чеедждән хадгълджах каракалпакск олн-әмтнә тускар эн фильм келджәнә.

«Отряд продолжает борьбу» гидг художественн фильм шанхайск киностудь гаргъв. Сценарий бичснь Ван Юй — Ху. Режиссернь Тан Сяо-Дань.

Гобин көдәд көдлджәси, газр шиндждлгч отрядин көдлмш эн фильм үзүлджәнә. Элснд гееддрдж одси голин эклц эн отряд хәәджәнә.

Ундаслгъна күчр зовлн, шатджах халун гань, үкхдән күрси цуцрлгън — цуг эн тоотиг, зөргтә гүджджмгәр эн отряд даадж гарна. Голин эклц олдв! Газр чичрхд эн голин эклциг бөглси боомтгиг олдж авч эдн хагълв. Хагсдж одси голар, шуугдж, көөстдж усн шинәс гүүгъад, кесг хагсджасн газриг услдж, әмрлүлдж, джиргъл өгв.

«Легенда о любви» гидг художественн фильм Чехословакин болн Болгарин киностудьс гаргъцхав. Сценаринь бичснь Назым Хикмет болн Вацлав Крышка. Режиссернь Вацлав Крышка.

Прогрессивн бичәч болн драматург Назым Хикметин, иим нертә дегтрәр эн фильм тәвгддж.

Ганцхи бийдән дурта, бийәси бишинькән күн гидж сандго улсла әдл биш, йосн цевр, кергтә болси цагт баатр йовдлмуд чигн үзүлм, әмән чигн әрвлшиго дурна тускар эн фильм үзүлджәнә.

Италин киностудийин гаргъси «Крышка» гидг художественн фильм, Мадрид Рим хойрин киностудийс негддж гаргъси «Смерть велосипедиста» гидг художественн фильм, НДФ болн ФРГ негддж гаргъси «Фанфары любви» гидг музыкальн кинокомедий, «Винтовая лестница» гидг Венгерск художественн фильм болн нань чигн кесг фильмс бас үзүлгдхми.

Нань кесг шин мультипликационн, научн-популярн болн документальн фильмс үзүлгдхми.

Б. ЯШКУЛОВ.